



Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Internal Affairs

**Broj: 01-11-4-7053-2**

**Sarajevo, 24.02.2023. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama („Službeni glasnik Bosne i Hercegovine”, broj 39/14, 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo, ministar **d o n o s i**:

## **O D L U K U**

**o poništenju Odluke o dodjeli ugovora u postupku nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo**

### **I**

Na osnovu Odluke broj 01-11-4-7053 od 09.12.2022. godine i Obavještenja o nabavci broj 1364-1-1-97-3-71/22 od 09.12.2022.godine, proveden je otvoreni postupak sa namjerom zaključivanja okvirnog sporazuma na dvije godine s jednim ponuđačem za nabavku tonera, ketridža i drum unit-a za potrebe Ministarstva unutrašnjih poslova Kantona Sarajevo

Komisija je shodno Zakonu o javnim nabavkama, primjenjujući kriterij "najniža cijena", dala preporuku da se poništi Odluka o dodjeli ugovora sa zaključivanjem okvirnog sporazuma na dvije godine ponuđaču „DEFTER “ d.o.o. Sarajevo sa ponudom u iznosu od 68.520,00 KM bez PDV-a.

### **II**

Ova odluka stupa na snagu danom donošenja.

## **O b r a z l o ž e n j e**

Na osnovu Odluke o pokretanju postupka nabavke broj 01-11-4-7053 od 09.12.2022. godine i Obavještenja o nabavci broj 1364-1-1-97-3-71/22 od 09.12.2022. godine na portalu Agencije za javne nabavke objavljen je postupak nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo (sukcesivna nabavka), putem otvorenog postupka. Za predmetni postupak predviđeno je zaključivanje okvirnog sporazuma na dvije godine sa jednim ponuđačem.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

U skladu sa gore navedenim Obavještenjem o nabavci ponudu je dostavilo pet ponuđača i to: „ALF-OM“ d.o.o. Banja Luka, Printex d.o.o. Sarajevo, Primaprom d.o.o. Banja Luka, Defter d.o.o. Sarajevo, Crobox d.o.o. Sarajevo

Komisija je izvršila provjeru kvalifikacije ponuđača u skladu sa minimalnim zahtjevanim kvalifikacionim uslovima u tenderskoj dokumentaciji, koje ponuđač treba da ispunjava, evaulaciju i ocjenu ponuda i na osnovu toga dala preporuku da se u postupku nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo, donese odluku o dodjeli okvirnog sporazuma na dvije godine, ponuđaču „DEFTER“ d.o.o. Sarajevo, u iznosu od 68.520,00 KM bez PDV-a.

Nakon što je Odluka o dodjeli ugovora, broj 01-11-4-7053 dostavljena svim ponuđačima u zakonskom roku, ponuđač Defter d.o.o. Sarajevo je dana 10.02.2023. godine uputio Ugovornom organu zahtjev za uvid u ponude.

Obzirom da je Ugovorni organ propustio zakonski rok za omogućavanje traženog uvida u ponude, ponuđač „Defter“ d.o.o. Sarajevo je uložio žalbu na odluku o dodjeli ugovora sa zaključivanjem okvirnog sporazuma na dvije godine ponuđaču „DEFTER“ d.o.o. Sarajevo, zbog pogrešne primjene Zakona o javnim nabavkama.

Nakon zaprimljene žalbe na predmetnu Odluku, donesen je Zaključak o odgađanju nastavka postupka javne nabavke tonera broj: 01-11-4-7053 od 13.02.2023. godine.

Postupajući po izjavljenoj Žalbi od 10.02.2023. godine, ugovorni organ je utvrdio da je ista blagovremena, dopuštena i izjavljena od ovlaštenog lica, te da je ista osnovana jer je od strane ugovornog organa propušteno omogućavanje uvida u ponude, u zakonskom roku, pristigle u postupku javne nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo.

Ugovorni organ je uvažio žlbeni navod ponuđača „Defter“ d.o.o. Sarajevo i donio Rješenje kojim se usvaja žalbeni navod u cjelosti i poništava Odluka o dodjeli ugovora za tonera, ketridža i drum unit-a.

Cijeneći naprijed navedeno i uzimajući u obzir Rješenje kojim se upotpunosti usvaja žalbeni navod ponuđača „Defter“ d.o.o. Sarajevo, riješeno je kao u dispozitivu.

#### **POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama.



**MINISTAR**  
**Admir Katica**

#### **DOSTAVITI:**

1. Ponuđačima x 5,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)